



BIBLIOTHECA CARMELITANA,

Nois Criticis & Dissertationibus illustrata.



CARMELITARUM Ordo variis in Syria ac Palaestina Solitudinibus natus & commo-
ratus, Rem Literariam diu laetuit; quippe qui continuè deliciis contemplationis, &
assidue sensuum, cupiditatumque coactioni potissimum deditus, unam Eremiticam
gerebat vitam. E Syria autem à Saracenis pulsus, & in Europam vix translatus fuit,
cùm ad munera sacra, & ecclesiastica onera sustinenda à Summis Pontificibus, aliisque
Præfultis vocatus est. Quæ quidem multa ad ritè obeunda pietas utilis, sed non sola
necessaria, sunt nisi & comes doctrinæ, quam in Academiis facilius acquirendam sibi
proposuerunt Carmelitæ Religionis Alumni. Inde illorum plurimi à Superioribus ad diversâ Europæ
Universitates, studii causâ, electi missi, qui & Grados Academicos possunt adipisci. Academica verò illis solum
concedebatur insignia Candidatis, qui *Candidatus plurimum annorum consecrationibus idoneus ad docendum*
reperi fuisset. Idem Carmelitæ legibus adstricti, Academiis frequentarunt, studio solerter incumben-
tes, solita subeuntis probamina, studium percurrentes statum, ut postquam Libros Sententiarum suâ
pro industria palam legisent, Sactorumque Bibliorum sensum & interpretationem enuntiassent, Magisterii
iure donarentur.

Doctrinali Laureâ ita decorati Carmelitæ, alios Alumnos, suos & in Caruobis ad studia deputatis,
Sociales edocuerunt, qui Academicis plerumque gradibus minime cohonestati, Posteris suis Scriptis dita-
runt, sed raro promulgarunt. Nam, ut scribebat ad Reverendiss. Dom. Stephanum Poncherium, Seno-
nem Archiepiscopum, Fr. Joannes Rochus, Doctor Parisiensis, Carmelita: *Patrum nostrorum prima-
rium videtur Institutum, bene agere, bene dicere, benèque scribere, sua tamen perpetuum premere, & ne-
quagnum ostentare; ut Pater ille celestis, qui in abscondito videt, reponat quam paraverit mercedem.* Quod
& prælibavet Trithemius de Joanne Duffeldorpio, Carmelita Doctore, in Biblioth. Eccles. Cap. 960.
dicens: *Dicitur multa scribere, sed celare.*

Multos & multa Doctores & doctos Carmelitas scripsisse indicant, non quæ à Barbets & Saracenis
combusta in Syria, Ægypto, Palaestina & Asia, non quæ ab Hæreticis in Gallia, Belgio, Germania,
Angliâ, Sueciâ & Daniâ flammis tradita sunt; non quæ in forulis & angulis cum mucore, aut blattia
& tineis decertant scripta illorum monumenta; sed hæc saltem, quas juri publico jam committi aggredimur,
elucubrationes omni scientiarum genere optetæ, atque ex omnium Carmeliticæ Nationum Societate collectæ.
Collectio equidem hæc appellatur **BIBLIOTHECA CARMELITANA**, quia Carmelitarum tum Cal-
ceatorum tum Excalceatorum, sacrarumque Monialium Opera sive manuscripta, sive typis edita, quorum
notitia ad nos pervenit, ex benignâ eruditum Vitotum non solum domesticorum & religiosorum ope,
sed etiam erogata ab exterorum & literatorum inquisitione, completitur.

Nota Critica versantur circâ diversas Operum editiones, circâ diversas Auctorum ætatem, fortunam
& opiniones.

Differentias verò agunt fulvis de rebus majoris momenti ad eos spectantibus.

Præfatio, studium Scientiarum in Semineis, Asceteriis, Monasteriis & Eremitis perpetuum & continuum
expendit. Præfationem sequitur, & Bibliothecam quam Index enucleat multiplex, antecedit prævia
Dissertatio de Origine, Regalâ, Vestimento & Reformatione Ordinis Carmelitæ.

Bibliothecæ *Prospectum* exhibent inferioribus paginis articuli, quos idè inter ceteros selegimas, quia
nec breviores, nec faustiores extant. Alii etenim articuli, si paucis lineis continentur, alii plurimas paginas
replent, ad quingentos & amplius Auctores supra duo millia omnes simul numerandi.

Opus integrum in duos Tomos divisum, mille ducentas & amplius paginas duabus columnis exaratas
continebat, Charta & Typi proposito exemplari perimiles. Charta quidem, cujus ad versatatem
nihil deerit; Characteres autem ad normam (ut loquuntur) *Cicero*, efformati. Totius prelii summa quatuor
& viginti librarum Parisinarum erit pro quolibet Exemplari emendo.

ÆGIDIUS FABER, vulgò DE SMEDT, Bruxellens natus, ibidem Carmelitanz Militiæ nomen dedit; ibi post confecta Scholarum curricula, Doctor Theologus Lovaniensis, Matriculæ Universitatis inscriptus est anno 1468. adeo divinis & humanis Literis profecerat, ut cunctis non solum charus, sed & venerabilis existeret. Celeberrimus sui sæculi Ecclesiasticæ comæ effecit, ut audiretur ipse concionator, loca omnia in subseclis occupabantur, & Tempia replebantur auditoribus adstantibus erectis & intentis.

Et verò, quæ tria M. Tullius in Oratore desiderat, Lib. ad M. Brut. num. 13. *ut doceat, ut delectet, ut moveat*; ea summè Ægidius Faber Carmelita, Doctor Lovaniensis tenuit, sic, ut rem illustraret differendo, & animos audientium devinciret voluptate, eos denique promoveret atque incitaret. Erat enim in eo, ut illis temporibus, eximia doctrina, divina memoria, summa cum Sacra tùm Prophanz Historiæ cognitio; atque hæc omnia vite decorabat gravitas & integritas morum, atque conversationis sagacitas, quibus virtutum momentis nomen apud omnes celebre comparavit.

Tantam auctoritatem apud MAXIMILIANUM Imperatorem effecit, ut Cæsarea Majestas suis eum Conciliis adhiberet, & plurimis Carmelitana Cœnobii beneficiis afficeret; atque Bruxellensæ solemnæ etiam Equitum aurei Velleris inauguratione illustraret. Illustravit autem ipse suum & Ordinis nomen multis voluminibus, quæ scripsit ad annum usque 1506. quo Bruxellis defunctus sepultus perhonorificam, elegantè Sarcophago reclus; ubi cernebatur effigies Vici laulæ. Quæ effigies signum anno 1572. Hæretici sustulere, & ad profanos usus lapidem addiderunt; hujus Fratris Cœnobii in exilium, ob Fidei defensionem, miseræ aditis. Scripta ejus referuntur à Trithemio & aliis Scriptoribus Bibliothecariis.

1. *Commentarii in Ruth, & Job. Lib. 2.*
2. *Commentarii in Evangelia & Epistolas D. Pauli Lib. VIII.* de quibus Commentariis mentionem habet Jacobus Lelong in *Bibliotheca Sacra tom. 2. pag. 719. Col. 2. A.*
3. *Commentarii in Magistrum Sententiarum Lib. IV.*
4. *Quæstiones ordinariæ. 5. Determinationes Theolog.*
6. *Orationes ad Clerum. 7. Sermones ad Populum.*
8. *De Testamento in Cruce. 9. Contrà Proprietarios.*
10. *De ortu Religionum. 11. Præcepta Vitz Religiosæ.*
12. *Chronicon Ordinis sui. 13. Historia Brabantia Mss.* quæ citatur à Jacobo Lelong, in *Biblioth. Hist. Gallia, pag. 814. num. 15721.*

Ægidium Fabri collaudant Trithemius, *Lib. de Scripturis Ordinis Carmelitarum.* Possevinus, *Tom. I. Apparatus Sacri, pag. 14.* Guillelmus Eifengrenius in *Catalogo usum veritatis.* Conradus Gesnerus in *Bibliotheca Universali* Ludovicus Guicciardinus in *Descriptione Civitatis Bruxellensis*; Cornelius Callidius, *Lib. de Scripturis illustribus.* Franciscus Swertius in *Athenis Belgicis, pag. 106.* Andreas Valerius, & Joannes-Franciscus Foppens in *Bibliotheca Belgica, pag. 29.* Aubertus Miræus in *Elogiis Belgicis.* Dictionarium Moreanum, verbo, *Fabri.* Dupinus in *Tab. universi de Script. Eccles. tom. 1. pag. 910.*

E Carmelitæ Petrus Locius in *Carmelitana Bibliotheca, paginâ 2. reversâ*; Alegeus Cassanatus in *Paradiſo Carmelitici decoris, pag. 380.* Augustinus Biscareus in *Palmisbus Vineæ Carmeli*; Joannes-Baptista de Leczana, *tom. 4. Annalium, ad an. 1506. num. 8. pag. 1019.* Paulus ab omnibus Sanctis ad Caput 7. Auberti Miræi *de Origine & incrementis Ordinis Carmelitarum, pag. 211.* Daniel à Virgine

Mariâ in *Vinea Carmeli, pag. 511. num. 916.* Idem *tom. 2. Speculi Carmelitani, pag. 1106. num. 3923.*

II.

ALBERTUS A S. ÆGIDIO, in seculo dictus ÆGIDIUS LEROY, Natione Gallus, Provinciâ Areomoricis Brito, Patriâ Doleusis, quartus strictioris Observantiæ Professus in Carmelo Rhodonensi anno 1609. die 2. Junii, sub R. P. Philippo Thibault, Priore: unus & primis junioribus Provinciæ Carmelitæ Turoniz, qui studii causâ, anno exeunte 1616. FLEXIAM (ubi Cœnobium Carmeliticum anno 1629. erectum fuit) missi sunt, & beneficentiâ Nobilissimæ Dom. DU ROCHE-PORTAL, Avimaterni illustrissimorum Dominorum DE BRISSAC, ibi sustentati. Sacris Literis apprime imbutus ALBERTUS, variisque disciplinis instructus, anno 1620. in Conventu Nannetensi nuper reformato Lector Theologiæ fuit institutus: sed ad aliorum tendens, & graduum Academicorum cupidus, à suo Generali facultatem obtinuit, ut Lutetiam Parisiorum peteret, in Alimâ Universitate studii vacaturus; ubi Lauream quidem Doctoralem affecit, ejus, suam autem in Provinciam Turoniam difficiliorem expertus reditum, usque ad Capitulum Provinciale ANDEGAVI, die 23. Aprilis 1653. celebratum, in quo, habita ratione sententiæ à R^{mo} Priore Generali ANTONIO PHILIPPINO LEX, ALBERTUS admittitur ad locum & vocem in dictâ Provinciâ; dummodo scripto renunciet, omnibus & singulis juribus ac titulis sui Doctoratus. Vir aliis moribus venerandus, scientiæ divinæ indagator assiduus, decessit in Conventu SANCTÆ ANNE apud Areomoricos ALBERTUS, die 14. Novembris, anno 1670. Ejus Opera sunt Gallica & Latina:

1. *Oraison funebre du Roy Très-Chrétien Louis XIII.* A Paris, 1643. in-4^o.
2. *Paulus prædicans Resurrectionem Mortuorum; Latine. Rhedonis, Typis Jacobi Dionysii. 1654. in-4^o.*
1. vol. Epistola tamen dedicatoriâ Illustrissimo ac Reverendissimo DD. FERDINANDO DE NEUVILLE, Episcopo Macloviensi, signatur die undecimâ Februarii, anno 1656.

Liber iste est *Explanatio Theologica Capitis decimi quinti, prioris Epistolæ V. Pauli ad Corinthios, adversus Athesos*, quos adversus Author octo præfata tentat, quæ difficultatem, ut ibi præfatur, & operam postulare videntur non mediocrem, ita ad mentem S. Pauli necellaria, ut vix coram uno dempto aliquid certum possis ex eâ elicere.

Primum est, ut Textus Græci & Latini phrasim, & vim loquendi ita exprimat ipse ALBERTUS; ut quoad ejus fieri potest, sermonis proprietate & nitore sensum assequatur.

Secundum, Ut si quæ discrepantia inter Textum Græcum & Latinum juxta Vulgatam obortur Verfionem, placidè & benignè attemperet.

Tertium, Ut leni & facili nexu series Oracionis, & rationum Apostoli devinciatur, nihilque coactum, diffonum, huiusmodi appareat.

Quartum, Non solum rationum momenta expendunt, sed earum principia indicantur, suavitè tamen, & absque ullo strepitu, & interpolatione.

Quintum, Sensui Patrum accommodatè omnia digeruntur, quem delibat magis Author, quam profundit in Paraphrasi, illum suis profecutus in artificio Capitis quod Paraphrasi subjungitur.

Sextum, Designatur præcipuum quod in hoc capite probare contendit Apostolus argumentum; eoque omnes rationes & sententiæ ejus collineare ostenduntur in artificio Capitis, Sanctorum etiam adhibitis Patrum interpretationibus, quæ ad rem faciunt.

Septimum, Omnes rationes Apolloli hoc Capite sparsas colligit Interpres methodo Theologica, ut uno quasi oculo oculo coniectu vis & efficacia earum, ad Refutationem probandam cernatur: Ipsaque ratio se Fidei subdere non gravetur, perspectis hinc inde viribus argumentorum, quæ plerumque triginta proferat Apollolus.

Offitium denique, credibilitatem hujus articuli, quò ceteri nituntur, cum esse arbitratu ALEXANDERUS, quam nec Rhetorum, nec Philosophorum argutia evertere possit: cum ipse, quibus nos petunt, oppugnationes, vel flata ipso dissipentur, unde consert Atheismum, qui hodie multorum ingenia occupat, non solum à Fide, sed à ratione defecere, specie tenus ejus Scitatore esse homines, cetera pecudet.

Egregiam hanc elucidationem & facundam explanationem quæ viderit erudit Viri, in Sacramentum Scripturarum interpretationem, dignam quæ reponatur non abijciat. Authorem autem Virum Græce Latineque Lingue peritum agnoscunt Hugo à S. Francisco, Carmelita, in *Vita Philippi Thibault*, Cap. 10. 11. & 26. pag. 70. 119. & 197. Licinius à S. Scholasticis, in *vita ejusdem Philippi Thibault*, Cap. 26. & 18. pag. 177. & 208. Daniel à Virgine Maria, tom. 2. *Speculi Carmelitani*, pag. 1088. num. 3825. Columbus à Nostra Domina de Monte Carmelo, in *Brevi Encomio Illustrum Carmelitarum Provinciae Turonis*, Mss. pag. 24. Ludovicus Jacob in *Bibliotheca Personarum*, Mss. pag. 10.

III.

ALEXANDER A. S. FRANCISCO, Nazione Italus, in seculo dictus LELIUS USALONIVS, LEONIS XL Summi Pontificis ex Sorore Nepos, parentibus MARCO ANTONIO USALDINO, & LUCRETIA ex Consuevis GERARDOIE & MEDICIA Familiis, ad annum 1588. Romæ natus est decimo quinto Kalendas Novembres. Cum ibi philosophici discipulus imbueretur, Concionibus PETRI A MATRE DEI, & exemplo juvenis VINCENTII ex familiâ CRESCENTIORUM, nobilitate illustris, qui Carmelitarum Excalceatorum habitum anno 1604. assumpserat, permotus, in eodem S. MARIE DE SCALA dicto Monasterio admitti postulavit; & à jam memorato Petro vestitus fuit anno 1605. die prima Aprilis, & eo tempore quo ejus Avunculus Summus Pontifex electus, adorationis solemnitate ad Altare S. PETRI honoratus fuit.

Emenio tyrocinii sui cuerulo, cum admirabili spiritus fervore, non minori alacritate ac pietate, per vota solennia, hostiam se viventem Deo obtulit. Obediencie, paupertatis, continentie, sui abnegationis, omniumque virtutum cultor eximius, anno 1614. missus Parisius, ut Novitios, ac juniores Fratres ad Institutum sui perfectionem promoveret, potens opere & sermone, doctrinâ & exemplo, tum ibi, tum postea anno 1617. die 1. Aprilis, CHARLTONI, primævum Excalceat Carmeli spiritum, quo plenus erat, abundè communicavit.

Anno 1619. prius Galliz Carmelitarum horum Capitulo Provinciali Definitor interfuit; & iode Romam petiit, Conventum S. MARIE DE SCALA Prior gubernaturus, ad quod officium electus fuerat in Capitulo Romano Provinciali, & ad primi socii munus in Capitulo Generali. Romane Provinciae postea Provincialis, dum Neapolitanum Conventum visitare, à gravi, quæ opprimebatur, infirmitate quasi miraculo lausatus est. Anno 1629. in Comitibus Generalibus annuumeratus est inter Definidores Generales: sed non multo post in lethalem morbum incidit, de quo magnâ perussus lætitiâ, cum Fratribus, qui aderant, Hymnum *Te Deum laudamus* alternatim eantem, votaque sua renovans, dicenti Dom. COCINO ROTZ Decano, *Io domini Domini domini*, respondit, *Latantes*: ac

paulò post Sacramentis reunitis, perissimam Deo animam reddidit, non fuisse Sanctitatis opinione, die 19. Aprilis 1630.

Omnia ferè ejus Opera, *duobus* Tomis in-4^{to}, prodire Romæ, annis 1670. & 1671. curâ Philippi Martiz à S. Paulo, Carmelitæ Excalceat, Congregationis Indis Consultoris. Præcipua Latino Idiomate sunt.

1. *Thesaurus Pauperum*, ad thesaurizanda thesauri in Calo. Lugduni, apud Claudium Dufour, anno 1633. in-8^{to}. anteq. prodierat Opus miræ pietate restructum.

2. *De præsentia Dei*. 3. *Schola virtutum*. 4. *Horologium Animæ*, Italicè.

5. *Epistola* plures, tum Latine, tum Italicè, auct. & post Religiosis ingressum scriptæ.

6. *Soliloquia Animæ* manuscripta, Charentonii compolita, Parisiis asservata apud suos Sodales.

7. Ex Hispano in Italicum translatus *Opera Ven. P. Joannis à Cruce*, cum ejusdem vitæ & annotationibus *Didaci à Jesu*. Romæ, 1637. in-4^{to}, apud Franciscum Corbelli.

Alexandrum à S. Francisco celebrant Carmelites à S. Teresia Lib. 1. *Annal. Carmelit. Excalceat. Galliz*, Cap. 23. & *segg. Cap. 97. pag. 77. & 251.* quorum ipse relictus fuit: Philippus à S. S. Trinitate in *decore Carmeli Religiosi* 3. parte: Petrus à S. Andrea tom. 11. *Histor. General. Congregat. Carmelit. Excalceat. Ital. Lib. 3. Cap. 42. & 43.* Philippus Maria à S. Paulo in ejus vitâ, quam Libris quatuor distinctam, Romæ edi curavit, anno 1668. quibus accedunt alii Carmelites ex antiquiori Obsequiantia Ludovicus Jacob in *Bibliotheca Personarum* Mss. pag. 13. Daniel à Virgine Maria tom. 2. *Speculi Carmelitani*, pag. 1051. num. 3618. & 1117. num. 3661. Sed non omittenda *Bibliotheca Carmelitarum Excalceatorum*, pag. 2. & *segg.*

IV.

BARTHOLOMÆUS PEYRO, cui patriam tam naturæ, quam Religiosis Carmelites dedit PERTINIAM, Doctor Theologus Parisiensis, assumitur primum in Socium JOANNIS BALISTARI, Prioris Generalis, celebratis Comitibus apud Montem. Albanum, anno 1566. post triennium, anno scilicet 1569. dum Comitibus celebrarentur in Monte Pessulano, ad munus Procuratoris Generalis totius Ordinis evehitur, atque in eodem munere confirmatur per Capitulum Generale Aquis-Sextis, anno 1572. & rursum in Comitibus Generalibus Podienicibus ann. 1573. Posthæc in Capitulo Generali Brugis, anno 1579. electus fuit primus Prior Provincialis Neapolitanæ Provinciae, tunc erectæ.

Sub eodem tempore, excitato periculosissimo omnium Schismate, URBANUM inter VI. & CLEMEN-TEM VII. huic, cum suis Hispanis & Gallis adfuit BARTHOLOMÆUS noster, qui post varia discrimina factus est Episcopus ELENENSIS, seu HILLENENSIS in Catalonia; cum jam Avenionem se recipiens, ibi testis fuisset examinatus in favorem CLEMENTIS VII. Sic enim ex Registro Pontificio Romæ Avenione transiit haurit illustris JOSEPH SUAREZ, Episcopus Vasonensis, qui Carmelitis id testis. Constat autem tunc hunc BARTHOLOMÆUM ELENENSIS Ecclesie præfuisse anno 1406. Scriptis,

1^o. *Constitutiones* annis 1405. 403. 404. & 405.

2^o. *Sermones de Sanctis* Lib. 1. Quem laudat NICOLAS ANTONIUS Tom. 2. *Bibliotheca veteris Hispaniæ*, pag. 134. num. 51. Huic perierunt Joannes Bepista de Lezana, Tom. 4. ad annum 1379. & Ludovicus Jacob in *Bibliotheca Carmelitarum* Mss. pag. 43. Ale- greus Cassianus in *Paradijs Carmelitæ decurrit*, pag. 329. & secutus est Daniel à Virgine Maria, Tom. 2. *Speculi Carmelitani*, pag. 914. num. 3177. Gallia Christiana tom. 6. pag. 1060. 1061. & 1062. num. LXVI & LXVII.

CAROLUS CORNACCIOLUS, Mediolanensis Carmelitæ, parentes habuit SIMONEM CORNACCIOLUM, Militum Ductorem, atque ANDRONICAM MEDICAM, ex Marchionibus MELECNANI, conjuges. Neapoli Philosophiam, Mediolani vero Theologiam suis Sodalibus tradidit. In hac eadem Urbe, Patavii, Florentiæ, Romæ, atque alibi Apostolicum munus non sine ingenti nominis sui famâ, atque Christiani populi utilitate exercuit. Sacræ Theologiæ Magisterio & Doctore decoretus, Cœnobii Mediolanensi, & Transpontino in Urbe præfuit. Provincialis Lombardiæ, atque Generalis Ordinis sui adlectus, amplissimæ dignitati proluit: nam in Comitibus anno 1716. die 31. Maii celebratis Romæ, summo omnium consensu ad supremum Ordinis Carmelitici moderandum officium eligi meruit.

Mox in Archigymnasio Romano plures annos sacras Literas interpretatus, anno 1726. ab Bobiensis Ecclesiæ Cathedrali assumptus fuit a Benedicto XIII. creditumque sibi populum verbo atque exemplo optime gerere studuit. Diocesani namque omni vigilanter iustitrat, Synodum habuit, in quâ salubribus Decretis conditis, gliscientes errores compescuit, & Plebis, Clerique mores reformavit. Vir fuit eruditionis non modicæ, quam summâ cum pietate conjunxit. Bibliothecam domui habuit selectissimam, quam simul cum ingenti pecuniæ summâ ultimis tabulis, intulit in Cœnobium S. Mariæ de Monte Carmelo Mediolanensi; ubi ejus imaginem ad grati animi significationem, ejusdem Monasterii Sodales collocarunt. Magnâ cum Sanctitatis famâ desideratus est anno 1737. die 17. Januarii. Ejus munificentiam in præfati Mediolanensis Cœnobii Bibliotheca hac Inscriptione foribus præfixâ, testatam voluere Carmelita.

IN ROMANO ATHENÆO PROFESSOR,
LIBRIS ÆDEM SCIENTIIS LIBROS
PATRIÆ ET ORDINIS PALATRAM
EREXIT, DICAVIT
REVERENDISS. P. M. CORNACCIOLI
GENERALIS EMERITUS
ANNO M. DCCXXII.

Scriptis 1. *Decreta Synodalia Bobiensis Diœcesis*. Mediolani, per Petrum-Antonium Frigerium, anno 1729. in-4°.

2. *Propositiones de Scholasticâ Theologiâ*, habitas in Archigymnasio Romano, Mss. apud suos Sodales asservatas.

Laudatus est CAROLUS CORNACCIOLUS in *Funebris Oratione* de illo habitâ Italicâ ab Antonio-Francisco Abbanio, Cathedralis Bobiensis Ecclesiæ Canonico Theologo: atque in *alterâ Latinâ* à Joachimo Maria Pontalti, ad publicam Parentationem in Mediolanensi Urbe celebratam: Utraque Oratio prodit Mediolani, Typis Petri-Antonii Frigerii 1737. in-4°. Laudatur insuper à Philippo Argelato in *Bibliothecâ Scriptorum Mediolanensium*, pag. 471. num. 632. undè hæc excerptimus.

V. I.

HERMANNUS A S. NORBERTO, Natione Belgæ, Patriâ Edamensis, Carmelita Excalceatus, pietate & doctrinâ insignis; fuit Magister No-

CARMELITANA.

vitorum, Prior, Desinitor Provincialis, Missionis Batavæ Vicarius Provincialis, obiit Lugduni Batavorum, die 3. Martii, anno 1686. Auctor est Operum inscriptorum,

1. *Cibus solidus Perfectorum, seu de Voto seraphico S. Terefix, Latine*. Antuerpiæ, 1670. in-12.

2. *Via media Confessarii*, Latine. Lovanii, 1675. Item, Colonia, 1679. in-11.

3. *Confraternitas Filii Dei, paucis nota*, Flandricè. Antuerpiæ, 1679. in-12.

4. *De Institutione & Origine Marcolarum*, vulgò *Marollarum*. Colonia 1678. in-12.

5. *Religiosarum Legum Observantia, sive Sacrum Collyrium ad Legum sanctitatem intelligendam*. Colonia, 1681. in-24.

6. *Meditationes S. Terefix post sacram Communionem*, ex Hispano idiomate in versus Belgicos translata. Coloniæ & Bruxellæ, anno 1678. in-8°.

Hermannum à S. Norberto laudant Ludovicus Jacob in *Bibliothecâ Carmelitani Mss.* pag. 145. Daniel à Virgine Mariâ, *Tomo 2. Speculi Carmelitani*, pag. 1129. num. 3964. Martialis à S. Joanne-Baptista, in *Bibliothecâ Carmelitarum Dilectatorum*, p. 187.

VII.

INNOCENZA DELLA SS. INCARNATIONE, in sæculo CAMILLA BARBERINI nuncupata, Fratrîs URBANI VIII. Summi Pontificis Filia, Florentiæ nata, Carmelitanam Vestem induit anno ætatis suæ 15. & Christi 1613. die 27. Octobris, in Monasterio S. Mariæ MAGDALENÆ DE PAZZI, ubi postquam Prioratum egisset, URBANUS VIII. eam assumpsit in Priorissam Monasterii, quod Romæ recens extrui fecerat, sub titulo SS. INCARNATIONIS, vulgò dicti BARBERINIANUM. Inde ad fundationem Monasterii DI MONTE ROTANDO, distantis Romæ XII. M. pass. in Sabinesi Diœcesis, perrexit, & in Urbem deinceps reverfa, evolavit ad Cælos anno Christi 1666. die 26. Martis, ætatis suæ 67. cum quinque mensibus & undecim diebus. Scriptis Italicè

Constitutiones, ex antiquis Carmelitanis & ex Sancti Francisci Salesii Statutis conflatas, paginis 610. contentas, & Romæ apud Angelum Bernabî editas anno 1658. in-8°.

De his loquens Eminentiſſ. Dom. Carolus Barberinus, S. R. E. Diaconus Cardinalis S. Cæsarîi, Monasterii SS. Incarnationis Verbi Divini de Urbe, apud Sedem Apostolicam Protector, ait in *Bullario Carmelitarum*, Tom. 2. pag. 522.

» *Constitutiones* pro spirituali ac temporalis regimine
» Monasterii & Monialium *Sanctissimæ Incarnationis*
» Verbi Divini Ordinis Sanctæ Mariæ de Monte Car-
» melo, labore, atque studio R. M. INNOCENTIÆ
» BARBERINÆ, prædicti Monasterii Fundatricis
» compositas, elaboratas, atque in ordinem digestas,
» earundem Constitutionum seriem lectiõni, exami-
» ni, atque judicio probatorum Virorum demanda-
» vimus. Cum igitur horum fide digno testimonio
» Nobis cognitum, competentique sit illas . . .
» Decretis Sacri Concilii Tridentini, & regularibus
» ejusdem Ordinis antiquioribus Institutis nullatenus
» adversari, sed valde consentaneas esse, & apprime
» accommodatas: Nos auctoritate Apostolicâ, quâ
» fungimur, eadem Constitutiones . . . confirmamus
» & approbamus. . . In quorum fidem, &c. die 22.
» Decembris, anno Dominicæ Incarnationis 1677.

AURELIANIS,

Apud FRANCISCUM ROUZEAU, ET MARTINUM COURET DE VILLENEUVE, Regis, & Serenissimæ Aurelianensium Ducis Typographos & Bibliopolas. 1750.